Robert Burns, "To a Mouse" On turning her up in her nest with the plough. November, 1785

Wee, sleeket, cowran, tim'rous beastie, O, what panic's in thy breastie! Thou need na start awa sae hasty, Wi' bickering brattle! I wad be laith to rin an' chase thee, Wi' murd'ring pattle!

I'm truly sorry Man's dominion Has broken Nature's social union, An' justifies that ill opinion, Which makes thee startle, At me, thy poor, earth-born companion, An' fellow-mortal!

I doubt na, whyles, but thou may thieve; What then? poor beastie, thou maun live! A daimen-icker in a thrave 'S a sma' request: I'll get a blessin wi' the lave, An' never miss't!

Thy wee-bit housie, too, in ruin! Its silly wa's the win's are strewin! An' naething, now, to big a new ane, O' foggage green! An' bleak December's winds ensuin, Baith snell an' keen!

Thou saw the fields laid bare and waste, An' weary Winter comin fast, An' cozie here, beneath the blast, Thou thought to dwell, Till crash! the cruel coulter past Out thro' thy cell.

That wee-bit heap o' leaves an' stibble, Has cost thee mony a weary nibble! Now thou's turn'd out, for a' thy trouble, But house or hald. To thole the Winter's sleety dribble, An' cranreuch cauld!

But Mousie, thou are no thy-lane, In proving foresight may be vain: The best laid schemes o' Mice an' Men, Gang aft a-gley. An' lea'e us nought but grief an' pain, For promis'd joy!

Still, thou art blest, compar'd wi' me! The present only toucheth thee: But och! I backward cast my e'e, On prospects drear! An' forward, tho' I canna see, I guess an' fear! Small, sleek, cowering, timorous beast, O, what a panic is in your breast! You need not start away so hasty With hurrying scamper! I would be loath to run and chase you, With murdering plough-staff!

I'm truly sorry man's dominion Has broken Nature's social union, And justifies that ill opinion Which makes thee startle At me, thy poor, earth born companion And fellow mortal!

I doubt not, sometimes, but you may steal; What then? Poor beast, you must live! An odd ear in twenty-four sheaves is a small request; I will get a blessing with what is left, And never miss it.

Your small house, too, in ruin! Its feeble walls the winds are scattering! And nothing now, to build a new one, Of coarse grass green! And bleak December's winds coming, Both bitter and keen!

You saw the fields laid bare and wasted, And weary winter coming fast, And cozy here, beneath the blast, You thought to dwell, Till crash! the cruel plough past Out through your cell.

That small bit heap of leaves and stubble, Has cost you many a weary nibble! Now you are turned out, for all your trouble, Without house or holding, To endure the winter's sleety dribble, And hoar-frost cold.

But Mouse, you are not alone, In proving foresight may be vain: The best laid schemes of mice and men Go often askew, And leaves us nothing but grief and pain, For promised joy!

Still you are blest, compared with me! The present only touches you: But oh! I backward cast my eye, On prospects dreary! And forward, though I cannot see, I guess and fear!